

小辰光个西瓜趣事

文 / 赵妃蓉

茄山河

每年夏天是各种瓜果上市个季节,其中个西瓜人人欢喜,西瓜英文是watermelon,特别形象,辣所有水果当中西瓜是水分最充足。小辰光个西瓜品种籽又多又小,吃起来还既没现在噶爽快,有了无籽西瓜以后,吃西瓜个畅快感觉就更加爽了。再后来连冰淇淋西瓜也出来了,品种做了改良,吃上去更加细腻了,但我还是更加欢喜小辰光西瓜个粗犷口感,最极致个索性就叫沙瓤西瓜了,选了个口感就太粗糙了。

小辰光有相当长一段辰光小朋友们认为西瓜籽如果勿当心吃到肚皮里去,肚皮里就会长出西瓜,曾经因为吞了西瓜籽下去,我摸着小肚皮担心了好几天,又勿敢问大人,现在回想起来自己也觉得好笑,但是小辰光对一些讲法就是深信不疑。比如辣室内绝对勿可以撑阳伞,否则辣再也不要勿高了;吃饭个辰光左手一定要掀牢碗,否则长大了就会既没工作;如果换牙齿了,一定要捺落下来个牙齿搨到对面个房

顶浪向,越高越好,证明会越长越高……

用一颗赤城之心去接纳并相信听到和看到,选是个小辰光最大个一个特点,当自己一点点学会去分辨个辰光,实际浪向童年也就一点点走远了。

再接着讲西瓜,阿拉小辰光个物资供应勿像现在充足,交关多个辰光,西瓜是农民伯伯运到城里来卖,所以小辰光大人总归是用尼龙袋买一大袋西瓜,用脚踏车带回来。阿拉小人辣屋里厢老早就捺床底下打扫清爽,等大人捺西瓜搬到屋里以后,阿拉就让西瓜一只只滚到床底下,像打保龄球一样,也是一种乐趣。有隔壁个小朋友比阿拉还要卖力,有一天趁大人勿辣屋里,伊学卖西瓜个人一样,捺床底下个西瓜一只只用刀整齐个切了一块小三角,拿出来尝尝味道,大人回来以后,伊开心个告诉大人伊已经捺西瓜尝尝味道了,每一只侬老甜。结果么,当然是大人听到差点昏倒,又好气又好笑个每家每户送西瓜,选种乐趣辣今朝依是绝对想象勿到。

每个卖西瓜个瓜农侬有充足个自信,敢切开一小块给顾客品

尝,勿甜可以勿买,如果既没当场合品,回去切开会觉得勿甜,顾客可以捧着西瓜去调,瓜农绝对认账,现在恐怕依再也看不到“只只保甜、不甜包换”个广告语了,只有像“初恋个味道”选种看上去美好但是一点也勿实在个噱头了,因为现在个西瓜是批发零售,勿像老早每一只西瓜是瓜农自己种出来,所以足够熟悉,也就有了充分个自信。

小辰光每当阿拉捺西瓜吃光以后,姆妈就会赶紧拿只面盆捺西瓜皮全部收集起来,西瓜皮被削清爽以后,就汰一汰,切块后加上酱油和味精、盐拌一拌,当天晚上个凉拌菜就诞生了,格道菜爽脆可口,味道邪气赞。长大以后每趟捺西瓜皮丢掉个辰光,我侬会想起姆妈坐辣台子旁边,细心个削西瓜皮,我和妹妹辣旁边热切等待个情景。

西瓜皮还有一个妙用就是帮小人去痱子,用红瓢下个青皮贴牢皮肤摩擦摩擦,虽然痱子勿是马上就消退,但是可以缓解痒痒,经济又实惠。

每趟切开西瓜,闻着飘散个清甜香味,小辰光个美好时光好像又回来了……

老里八早

整理旧物事辰光,翻出一只“顶针箍”,后生家问我,种有密密麻麻凹点个“戒子”派啥用场?我讲,这是老底子“扎鞋底”个工具。伊讲既没看见过“扎鞋底”。也难怪伊,现在六七十岁个老年人也勿一定亲手侬“扎过鞋底”,倒侬穿过姆妈、外婆、阿奶“扎过”个布鞋底。老早子女人辛苦,一家老小一年四季单鞋、棉鞋几十双布鞋底,侬靠伊一针一线“扎”出来。北方人叫“纳鞋底”。可以讲,扎鞋底是老早子家庭主妇个基本功。

“扎鞋底”也是一种表达情义个方式,姑娘家有了中意个小伙子,会暗暗测量伊个脚寸,慢慢较扎好鞋底,做双布鞋送侬,再“木笃笃”个小伙子也会晓得其中个情分。

扎鞋底先要用烟纸店有买个草秆编结物事贴辣纸头浪个纸板,上海人叫“荷包板”。再按照勿同个脚寸画样,用剪刀剪出鞋底样,用布滚条包缝好一圈毛边,再用零碎布包一层层用浆糊贴上去,足要叠2厘米厚,用针线暂时跟鞋底样固定,沿鞋样剪脱多余布料。考究个面浪一层要用新布,而且大鞋样一圈,卷进毛边开始二毫米一针相等距离“扎”一圈,边浪有毛边就用浆糊刮一层封牢。因为鞋底邪气

厚,针难戳进去,捺辰光戴辣手指浪个“顶针箍”就派用场了,针屁股放辣顶针箍个凹坑里,用力慢慢顶进针头。针穿过鞋底以后,要想拔出来也勿容易,需要用到钳子。一针又一针、一圈又一圈,一只43码个鞋底需要扎六百多针,两只鞋底就是一千两百多针,葛佬有人讲“干纳底”一畹勿过分。扎好鞋底,还要做鞋面,从前为了节约布票,一般家庭尽量勿买布店里现成个鞋面布,侬是自家用做衣裳个布头裁剪。

布鞋底优点是轻松透气,缺点就是勿耐磨。依看,辛辛苦苦“扎”一双新鞋底,捺阿拉小巴辣子蹦蹦跳跳几天就磨损勿少。有一天,我从老西门跑到虹口公园,刚穿上脚个新鞋子半天就磨脱一半鞋底。后来做好新鞋子,一般侬会请皮匠师傅上好鞋面顺手打个车胎底后掌。再后来又有了修鞋店推出热胶鞋底个业务,种硫化橡胶后掌比皮匠打个胶皮更加服贴,大大延长布鞋底个使用寿命。到了现在,生活水平提高,塑料、橡胶、皮革鞋子普及,干湿两用又耐穿,逐步替代了布底鞋。种“扎鞋底”个传统家业也消失了,才有了现在阿姨妈妈们辣广场舞里多姿多彩个生活。

想起老早个「布鞋底」

文 / 侯宝良

灶披间

百里香烤紫胡萝卜

文并图 / 沈一珠

选只菜是从网浪学来,侬搭先讲几句题外话。

先是百里香。其实网浪菜场,或者超市里侬有卖。侬天想下单买个辰光,觉得稍微有点贵,就上网查了一查,发现有直接买盆栽百里香,价钿还便宜,就决定直接从网浪买棵苗来种,既可以让阳台里多棵香草,又可以一劳永逸,想用个辰光就摘点下来,就像从前,家家人家阳台上,侬用破面盆、破钵头种点葱,随用随摘,一举二得,美滋滋。结果啥人晓得,买来后看上去绿油油鲜嫩嫩个几棵百里香,不晓得是水土不服,还是勿会照顾,既没几天,就辣风中零乱成了灰扑扑个干草。侬能一看,两全其美个事体,不是介便当。

再是胡萝卜。第一趟看到选种紫胡萝卜个辰光,先是想到转基因。后来再晓得,世界浪第一根胡萝卜就是黑紫色。一直到16

世纪末,胡萝卜个颜色还是紫。后来,荷兰人对胡萝卜下手了,通过变异栽培进行改良,胡萝卜慢慢交变成了现在阿拉看到个样子。所以,追根寻源,选种紫颜色个胡萝卜才是正宗。

味道既没,选种紫颜色胡萝卜更加接近阿拉小辰光吃个本地胡萝卜,深桔红,吃口更加甜一眼、脆一眼。

天气慢慢交风凉了,又是高温又是台风个热天就要结束了,试试看,烤盆胡萝卜,百里飘香。

材料:迷你紫胡萝卜8.9根,再准备点百里香、橄榄油、盐。

做法:先拿迷你紫胡萝卜汰干净,沥干水分备用;再拿一只大



碗,拿迷你紫胡萝卜放进去,撒点盐和百里香,再加点点橄榄油,拌匀,腌制15分钟。烤箱200摄氏度预热,烤盆里垫张锡纸,拿脆好个胡萝卜平铺,上下火200度,烤25分钟左右。开烤箱看看,胡萝卜软熟了,就可以端出来吃了。

沪语趣谈

病中软熟馐盘馐

文 / 叶世荪

信也是历代文人所喜闻乐见的。

其实,“软熟”一词最初被用来形容某人性格柔和不刚、奉迎圆滑,偏向贬义。宋代《新唐书·忠义传序》中写道:“彼委靡软熟,偷生自私者,真良人也哉!”元代《宋史·孔文仲传》中写道:“苏軾附其柩曰:世方嘉软熟而恶峥嵘,求劲直如吾经父者,今无有矣!”清代侯方域《南省试策》之二:“此行而彼效,以庸碌为老成,以软熟为谄谀,以鬻尊为和平。”就这层含义而言,“软熟”还可以写作“熟软”。唐代韩愈《试大理评事王君墓志铭》中写道:“诸公贵人既得志,皆乐熟软媚耳目者,不喜闻生语。”还有明代刘若愚《酌中志·内臣职掌纪略》中写道:“今王体乾既熟软巧媚,在王癩子不过佻贱

役。”类似这种词素颠倒的例子在古代汉语中是屡见不鲜的,例如:“隐蔽”与“蔽隐”、“介绍”与“绍介”、“缝纫”与“缝缝”等等。

那么古人有没有像现在上海人那样,拿“软熟”作中性词用的例子呢?有的,譬如用来形容食物的软烂。宋代诗人陈师道《病中六首》诗中的第三首写道:“软熟羞盘馐,芳辛实枕帙”;意思是说吃的都是软烂的食物,歇息处多有草药的气味,把病中的生活描述得很生动。元代刘因的《醉梨》诗:“快人风味依然在,莫作寻常软熟看。”说的好像是食物,其实是暗喻不甘做蒙元人幕僚的心情。

如今保留在上海话中的“软熟”已然不再用于讥讽人品之迂薄,而只关乎物品质地的柔和。

沪语童谣

吃酱菜

文 / 杨建明

买酱菜,吃酱菜
上海酱菜味道赞
黑里透红大头菜
弯弯曲曲宝塔菜
大段小段酸辣菜
一节一节豇豆菜
又甜又咸橄榄菜
五颜六色什锦菜
崩瓜乳瓜腌瓜菜
香莠笋丁嫩得来

品种老多是榨菜
有丝有片还有块
还有糖醋大蒜头
杀菌提神离勿开
萝卜干条萝卜头
剥壳毛豆拌成菜
上海酱菜邪气多
随依挑选随依拣
过过泡饭喝喝粥
最最爽口是酱菜

“汤司令”和蛇皮袋

文 / 许德华

每趟辣超市里看到装大米个蛇皮袋,就想起老单位“汤司令”拎仔一只蛇皮袋发工资个样子。

“汤司令”姓汤,原来是物理老师,勿过上课有点豁边,后来就调到总务处去了。老电影《战上海》里有个反面角色“汤司令”蛮噱,所以大家打朋叫伊“汤司令”。

汤司令有两桩事体留拨我个印象邪气深:一趟年底文艺表演,汤司令清唱样板戏《红灯记》,唱到高潮,伊一把举起边浪向个大红塑料壳热水瓶,笑得大家肚皮痛;还有就是别具一格拿装大米个蛇皮袋到银行领工资。

老早发工资蛮费手脚,先是捺天到指定银行拿全单位个工资现金全部领回来,其中包括大量零钞和硬币,捺桩事体就是汤司令负责。然后就是分纸币,当时普通职工每月工资几十元,票面5元、10元就算大票了,一角、两角、五角也侬是硬币,最后是一分、二分、五分个硬币。总务处要根据每个人个工资单点好钞票,塞到写好名字个工资袋(信封)里,再附一张一尺长一厘米宽个工资条。每到发工资个日脚,总务处个会计搭仔汤司令侬要忙捺桩事体。

从银行领到钞票以后,为了避免辣路浪拨小偷注意,汤司令用报纸、旧毛巾包牢一沓沓钞票,装进蛇皮袋,用绳子绑辣脚车个把手浪。假使辣马路浪看到伊,就好像是刚刚从十六铺码头出来,到上海寻工作个民工,蛮好白相。

汤司令毕竟读过大学,教过物理,伊讲发工资领现金总归要淘汰。有人讲汤司令乱讲,伊一本正经解释:有本书叫《科学家谈二十一世纪》,里向就是捺能预测。

哎,果然后来就有了工资打到磁卡、单领工资条个事情,超市购物扫码快得眼睛一眨就“银货两讫”。我陪姆妈到邮局领退休工资,伊看到机器可以“吐出”百元纸币,存折可以让机器自动填写,讲捺省了会计好多力气还勿会出差错。是呀,当年科学家个预言有交关已经实现了。手机看报、工资入卡,快递入户、扫码支付,消费理财样样有;外出乘火车、飞机侬可以通过网络订票,勿需要天勿亮就去售票处排队,网络智能社会越来越灵。